

自高下意衆生者衆生侵害忿然生怒如奴打大家則起瞋惄下意有如是等種種利益故菩薩應當行安隱心者與今世後世究竟樂非如父母知識與現世樂菩薩若以等心慈心下心利益衆生時若有不知恩人來惄菩薩不信所行謂爲欺誑爲求名故無有實事又爲魔所使來惄菩薩惡中之惡不識恩分菩薩等心於此通達無礙得是無礙心已衆生雖有大罪大過但欲利益不生惄心慈心安隱無礙不惄心譬如孝子愛敬父母如兄如弟如姊妹兒女無淫慾心而生愛敬慈念世人但能愛敬所親菩薩普及一切得是衆

法本末具足今出得善法智慧無礙捨身得法身無礙隨意至十方教化衆生於十方佛前修集善法聞是法時二千菩薩得無生法忍者是品說如微妙深法亦說有行善門智門二行具足但說如法所利少若說有法所利亦少今說有無二法具足故得無生忍譬如二輪具足故能有所至此中善說二諦故二千菩薩得無生法忍

大智度論卷第七十二

釋第五四品

表

黑默同 沉渙上音回 腸盧下音回 機釘上音回 其
下去 錯謬下音回 紛上音回 弊下音回 祭喪濡二音回 故

大智度論卷第七十三

表三

龍樹菩薩造 姚秦三藏法師鳩摩羅什譯

釋阿鞞跋致品第五十五

須菩提白佛言世尊以何等行何等類何等相貌知是阿鞞跋致菩薩摩訶薩佛告須菩提菩薩摩訶薩能知凡夫地聲聞地辟支

轉清淨好心名衆生忍是法忍初門次行十善道十善道有佛無佛世間常有是善法教菩薩先以四十種行是十善道何以故是菩薩深念善法心慈衆生故離欲凡夫法有十二事亦以四十八種行六波羅密乃至法住是客法有佛說則有菩薩行上來舊法客

佛地佛地是諸地如相中無二無別亦不念
亦不分別入是如中聞是事直過無疑何以
故是如中無一無二相故是菩薩摩訶薩亦
不作無益語但說利益相應語不視他人長
短須菩提以是行類相貌知是阿鞞跋致菩
薩摩訶薩須菩提言世尊復以何行類相貌
以知是阿鞞跋致菩薩摩訶薩佛告須菩提
若一切法無行無類無相貌當知是名阿鞞
跋致菩薩摩訶薩須菩提白佛言世尊若一
切法無行無類無相貌菩薩於何等法轉名
不轉佛言若菩薩摩訶薩色中轉受想行識
中轉是名菩薩不轉復次須菩提菩薩摩訶
薩檀波羅蜜中轉乃至般若波羅蜜中轉內
空中乃至無法有法空中轉四念處中乃至
十八不共法中轉聲聞辟支佛地中轉乃至
阿耨多羅三藐三菩提中轉當知是菩薩摩
訶薩不轉何以故須菩提色性無是菩薩何
所住乃至阿耨多羅三藐三菩提性無是菩

薩何所住復次須菩提菩薩摩訶薩不觀外
道沙門婆羅門面類言語不作是念是諸外
道若沙門若婆羅門實知實見若說正真無
有是事復次菩薩不生疑不著戒取不墮邪
見亦不求世俗吉事以爲清淨不以華香瓔
珞襪蓋妓樂禮拜供養諸天須菩提以是行
類相貌當知是名阿鞞跋致菩薩摩訶薩復
次須菩提阿鞞跋致菩薩摩訶薩常不生下
賤家乃至不生八難之處常不受女人人身須
菩提以是行類相貌當知是名阿鞞跋致菩
薩摩訶薩復次須菩提菩薩摩訶薩常行十
善道自不殺生不教人殺生讚歎不殺生法
歡喜讚歎不殺生者乃至自不邪見不教人
邪見亦不讚歎邪見法不歡喜讚歎行邪見
者須菩提以是行類相貌當知是名阿鞞跋
致菩薩摩訶薩復次須菩提菩薩摩訶薩乃
至夢中亦不行十不善道以是行類相貌當
知是名阿鞞跋致菩薩摩訶薩復次須菩提

表三

二

大

菩薩摩訶薩爲利益一切衆生故行檀波羅蜜乃至爲利益一切衆生故行般若波羅蜜須菩提以是行類相貌當知是名阿鞞跋致菩薩摩訶薩復次須菩提菩薩摩訶薩所有諸法受持讀誦說正憶念所謂修祐路乃至優波提舍是菩薩法施時作是念是法施因緣故滿一切衆生願以是法施功德與一切衆生共之迴向阿耨多羅三藐三菩提須菩提以是行類相貌當知是名阿鞞跋致菩薩摩訶薩復次須菩提菩薩摩訶薩於甚深法中不疑不悔須菩提言世尊菩薩於甚深法中何因緣故不疑不悔佛言是阿鞞跋致菩薩都不見有法可生疑處若色受想行識乃至阿耨多羅三藐三菩提不見是法可生疑處悔處須菩提以是行類相貌當知是名阿鞞跋致菩薩摩訶薩復次須菩提菩薩摩訶薩身口意業柔軟須菩提以是行類相貌當知是名阿鞞跋致菩薩摩訶薩復次須菩提

菩薩摩訶薩以慈身口意業成就須菩提以是行類相貌當知是名阿鞞跋致菩薩摩訶薩復次須菩提菩薩摩訶薩不與五蓋俱離欲瞋恚睡眠掉悔疑須菩提以是行類相貌當知是名阿鞞跋致菩薩摩訶薩復次須菩提以是行類相貌當知是名阿鞞跋致菩薩摩訶薩一切處無所愛著須菩提以是行類相貌當知是名阿鞞跋致菩薩摩訶薩復次須菩提菩薩摩訶薩出入去來坐卧行住常念一心出入去來坐卧行住舉足下足安隱庠序常念一心視地而行須菩提以是行類相貌當知是名阿鞞跋致菩薩摩訶薩復次須菩提菩薩摩訶薩所著衣服及諸臥具人不僊穢好樂淨潔少於疾病須菩提以是行類相貌當知是名阿鞞跋致菩薩摩訶薩復次須菩提常人身中有八萬戶蟲侵食其身是阿鞞跋致菩薩摩訶薩身無是蟲何以故是菩薩功德出過世間以是故是菩薩無是蟲戶是菩薩功德增益隨其功德得

表三

三

文

身清淨得心清淨須菩提以是行類相貌當知是名阿鞞跋致菩薩摩訶薩須菩提白佛言世尊云何菩薩摩訶薩得身清淨得心清淨佛言菩薩摩訶薩隨其所得增長善根滅除心曲心邪須菩提是名菩薩摩訶薩身清淨心清淨以是身心清淨故能過聲聞辟支

佛地入菩薩位中須菩提以是行類相貌當知是名阿鞞跋致菩薩摩訶薩復次須菩提菩薩摩訶薩不貴利養雖行十二頭陀不貴阿蘭若法乃至不貴但三衣法須菩提以是行類相貌當知是名阿鞞跋致菩薩摩訶薩復次須菩提菩薩摩訶薩常不生慳貪心不生破戒心瞋動心懈怠心散亂心不生愚癡心不生嫉妬心須菩提以是行類相貌當知是名阿鞞跋致菩薩摩訶薩復次須菩提菩薩摩訶薩心住不動智慧深入一心聽受所從聞法及世間事皆與般若波羅蜜合是菩薩摩訶薩不見產業之事不入法性者是事

一切皆見與般若波羅蜜合以是因緣故須菩提是名阿鞞跋致菩薩阿鞞跋致相

論問曰上來處處說阿鞞跋致相今何以復問答曰上雖處處略說今欲廣說此中多是阿鞞跋致相故名阿鞞跋致品復次上來解般若波羅蜜相次說魔因緣壞般若今說信

表三

四

文

受般若波羅蜜者是阿鞞跋致欲說其相貌故須菩提問復次菩薩初發心來所行因緣所得果報是阿鞞跋致受記必當作佛如人受職已得印信心無復疑又如聲聞人所行衆行皆爲四沙門果阿鞞跋致是決定安隱地過凡夫不入二乘地雖未成佛道能爲世間作福田是事微妙難得故須菩提問其相貌佛本命須菩提說般若波羅蜜故須菩提問世尊阿鞞跋致有何行類相貌問曰是三事有何等異答曰有人言是三事皆一義以此知是阿鞞跋致非阿鞞跋致有人言行名是阿鞞跋致菩薩身口意業異於他人以此

行表阿鞞跋致甚深智慧類者分別知諸菩薩是阿鞞跋致非阿鞞跋致相貌者除行類餘種種因緣得知阿鞞跋致相佛說義趣若善薩能具足五波羅蜜深入般若波羅蜜方便力故不著般若波羅蜜但觀如所謂諸法實相菩薩爾時不以凡夫二乘地爲下賤不以佛地爲高貴入諸法如故諸法如中無有分別二法但以如入如更無餘事亦不分別取相何以故如平等故能如是入者即入諸佛法藏心不生疑更求諸法法定相是故經說須菩提凡夫地乃至佛地如相中無二無別得如是法名阿鞞跋致行類相貌復次略

表三

五

著

說是義菩薩因諸法如所謂畢竟空捨一切世間事亦不住畢竟空何以故得諸法畢竟清淨實相故善薩若聞是無依止法心無疑惑不念依止自上事是阿鞞跋致正體自是以下盡是畢竟空行果得畢竟空故心淳熟寂滅相不說無益語所說常是法不是非法

所說皆實非妄說所言柔軟不麁獷皆以慈悲心說不以瞋恚心所說應時常得機會觀察人心隨其方俗今此中略說利益之言若教佛道若二乘若人天道若今出得非罪樂常遠離口四惡故於衆生中慈悲心大故又能自摧薄諸煩惱故是以能種種因緣說諸利益語問曰聲聞人直趣涅槃可不觀他人菩薩視衆生如子常欲教化云何不觀其長短答曰若衆生不可伏折不可化度如是等莫觀何以故若以好心教詔馴謂嫉已如刀刺心既無所益更增其罪是故不觀長短復次菩薩應作是念如諸佛一切智煩惱習盡尚不能盡度衆生何況我未得菩薩神通未得無礙智云何能普觀衆生阿鞞跋致有得神通者有不得者得阿鞞跋致已別修神通道乃得若先得神通者不具足故不能遍觀問曰須菩提初問行類相貌佛何以不即答

未著阿鞞跋致相故佛答或說空相或說有
相今以衆生著阿鞞跋致相欲從凡夫入阿
鞞跋致地是故佛說一切無行無類無相貌
須菩提以更問若諸法盡空者何以言於何
法轉名不轉法應當從凡夫地轉於佛地不
轉佛答若菩薩能觀色等諸法空無所有轉

諸著心故於佛道中不轉色等法和合因緣
生菩薩知是有爲過罪故不應此中住諸法
空故能轉著心轉著心故名不轉復次阿鞞
跋致菩薩入正位故心決定不疑一切外道
中有實智若有實智不名外道如是名阿鞞
跋致相問曰今說不生疑後說深法不疑是
表三 六

二不疑有何差別答曰今不疑者四諦中如
須陀洹所斷後不疑者於佛所知深法中不
疑是菩薩福德智慧力故雖不作須陀洹末
作佛而能無此二疑戒取名外道戒人行此
外道戒不得涅槃餘四見皆名邪見深信業
因緣果報故不求言事不以華香等供養天

求道破憍慢根本故常不生下賤家不障他
功德常行勸助故不生八難處折薄婬欲遠
離誑媚心故不受女人身復次餘人雖行十
善道成一或二或三不能具足四種是菩薩
大悲心深愛善法故具足行四種常修集十
善道故乃至夢中不行十不善道餘人所修
福德但自爲身小菩薩雖爲衆生亦自爲已
阿鞞跋致諸所作福皆爲衆生不爲其身若
福德可以與人則盡與衆生更自修習但不
可得與故菩薩以十二部經教化衆生亦但
爲衆生不自爲已復次菩薩信等五根利故
雖未作佛於諸法能信佛此中更語空因緣
菩薩不見色等法故無生疑處復次是菩薩
常行慈悲心故意業柔軟意業柔軟故身口
慈業成就問曰慈悲心外道亦有云何說是
阿鞞跋致相答曰外道雖有而不深不能遍
念衆生亦不常有非諸法實相和合故菩薩
不爾復次是菩薩呵五欲除五蓋入五支初

表三

七

者

禪不與五蓋俱五蓋覆心能耗減智慧破佛道開魔路故是菩薩知一切有爲作法虛妄不實如幻如夢無爲法空無所有寂滅相是故於一切處無所愛著於衆生中乃至佛亦不著於法中乃至涅槃亦不著瞋恚罪小菩薩已斷故不說愛深微難斷故今說復次是菩薩深入禪定故守護一切衆生守護一切衆生故常一心念不惱衆生不破戒故出入來去等安庠一心舉足下足視地而行者爲護衆生爲避亂心故復次是菩薩久修集無量無邊善法身中無八萬戶蟲亦少病痛故衣服卧具等常淨潔無汚得諸法實相等善根力故身中無八萬戶蟲心清淨故身口等亦清淨離虛誑邪曲等下賤煩惱故心清淨二事清淨故雖行世間離諸逼迫苦惱心不厭沒故出過聲聞辟支佛地是菩薩圓佛道故不貴利養雖行頭陀不貴是法以是法是究竟道因緣少分非究竟道是名阿鞞跋致

菩薩行類相貌問曰是菩薩未得佛道未斷諸煩惱云何常不生慳貪等諸惡心答曰阿鞞跋致菩薩得無生法忍時斷諸煩惱但未斷習若不斷者云何常能不生諸慳貪等障道心如經說須陀洹乃至阿羅漢即是菩薩無生法忍復次有人言菩薩行六波羅蜜深修集諸功德故諸煩惱折薄心中不生故是名常不生復次是菩薩無量世行禪波羅蜜故心住不動積習般若故深入智慧是菩薩知法味微妙故從他聞法一心聽受樂法情深故所聞若三乘法若外道及世間法自心妙故皆與般若和合不破法相譬喻壯夫無病所食之物無不消化又如佛得最上味相雖復苦辛不美之食在佛口中皆是上味又如煮石蜜欲熟時種種物內中皆成石蜜妙味力盛故菩薩亦如是般若波羅蜜力盛故種種諸法能令皆與般若合爲一味無諸過失復次世間事者菩薩所起身口諸業皆爲

憐愍度衆生故此憐愍心皆入般若波羅蜜初門又復世間諸事因緣乃至坐起行步飲食言語常念安隱衆生是來去等法皆入法性如破來去中說產業之事亦如是是名阿鞞跋致相

經復次須菩提若惡魔於阿鞞跋致菩薩前

表三

九

文

化作八大地獄一一地獄中有千億萬菩薩皆被燒煮受諸辛酸苦毒語菩薩言是諸菩薩皆是阿鞞跋致佛所授記墮大地獄中汝若爲佛授阿鞞跋致記者當入是大地獄中佛爲授汝地獄記汝不知還捨菩薩心可得不墮地獄得生天上須菩提若是菩薩見是事聞是事心不動不疑不驚作是念阿鞞跋致菩薩若墮地獄畜生餓鬼中終無是處須菩提以是行類相貌當知是名阿鞞跋致菩薩摩訶薩復次須菩提惡魔化作比丘被服來至菩薩所語菩薩言汝先聞應如是淨修六波羅蜜乃至應如是淨修得阿耨多羅三

藐三菩提是事汝疾悔捨汝先於過去未來現在諸佛所從初發心乃至法住於其中間所作善根隨喜迴向阿耨多羅三藐三菩提是事汝亦疾放捨若汝疾捨我當語汝真佛法汝先所聞皆非佛法非佛教皆是文飾合集作耳我所說是真佛法若是菩薩聞作是說心驚疑悔當知是菩薩未得諸佛受記未定住阿鞞跋致性中若是菩薩心不動不驚不疑不悔隨順依止無作無生法不信他語不隨他行行六波羅蜜時不隨他語乃至行阿耨多羅三藐三菩提時亦不隨他語須菩提譬如漏盡阿羅漢不信他語不隨他行現見諸法實相惡魔不能轉如是須菩提阿鞞跋致菩薩摩訶薩亦如是求聲聞道辟支佛道人不能破壞不能折伏其心須菩提是菩薩摩訶薩必定住阿鞞跋致地中不隨他語乃至佛語不直信取何況求聲聞辟支佛人及惡魔外道梵志語終無是處何以故是菩

薩不見有法可隨信者所謂色若受想行識若色如乃至識如乃至不見阿耨多羅三藐三菩提何況阿耨多羅三藐三菩提如須菩提以是行類相貌當知是名阿鞞跋致菩薩摩訶薩復次須菩提魔作比丘身來到菩薩所語菩薩言汝所行者是生死法非薩婆若道汝今身取苦盡證是時惡魔爲菩薩用世間行說似道法此似道法是三界繫觀不淨所謂骨相若初禪乃至非有想非無想語善男子用是道用是行當得須陀洹果乃至當得阿羅漢果汝行是道今世苦盡汝用受生死中種種苦惱爲今是四大身尚不用受何況當更受來身須菩提若是菩薩摩訶薩心不驚不疑不悔作是念是比丘益我不少爲我說似道法行是似道法不得至須陀洹果證不得至阿羅漢辟支佛道證何況得至阿耨多羅三藐三菩提是菩薩摩訶薩益復歡喜作是念是比丘益我不少爲我說障道法我

知是障道法不障學三乘道是時惡魔知菩薩歡喜作是言善男子汝欲見是菩薩摩訶薩供養如恒河沙等諸佛衣被飲食卧具醫藥資生所須亦於如恒河沙等諸佛所行檀波羅蜜尸羅波羅蜜羼提波羅蜜毗梨耶波羅蜜禪波羅蜜般若波羅蜜亦親近如恒河沙等諸佛諮問菩薩摩訶薩道汝尊菩薩摩訶薩云何住菩薩摩訶薩乘云何行檀波羅蜜尸羅波羅蜜羼提波羅蜜毗梨耶波羅蜜禪波羅蜜般若波羅蜜四念處乃至大慈大悲是菩薩摩訶薩如佛所教如是住如是行如是修是菩薩摩訶薩如是教如是學尚不得阿耨多羅三藐三菩提不得薩婆若何況汝當得阿耨多羅三藐三菩提若菩薩摩訶薩聞是事心不異不驚益復歡喜作是念是比丘益我不少爲我說障道法是障道法不得須陀洹道乃至不得阿羅漢辟支佛道何況得阿耨多羅三藐三菩提是時惡魔知是文

表三

十

文

菩薩心不沒不驚即於是處化作多比丘語
菩薩言此皆是發意求佛道菩薩今皆住阿
羅漢地是輩尚不得阿耨多羅三藐三菩提
汝云何能得若菩薩摩訶薩即作是念此是
惡魔說相似道法菩薩摩訶薩行般若波羅
蜜不應轉阿耨多羅三藐三菩提心亦不應

墮聲聞辟支佛道中復作是念行檀波羅蜜

尸羅波羅蜜羣提波羅蜜毗梨耶波羅蜜禪

波羅蜜般若波羅蜜乃至一切種智不得阿
耨多羅三藐三菩提無有是處須菩提以
是行類相貌當知是名阿鞞跋致菩薩摩訶
薩復次須菩提若菩薩摩訶薩復作是念若

表三

十一

卷一

菩薩能如佛所說不遠離般若波羅蜜心乃
至一切種智是菩薩終不退阿耨多羅三藐
三菩提若菩薩覺知魔事亦不失阿耨多羅
三藐三菩提以是行類相貌當知阿鞞跋致
菩薩摩訶薩相須菩提白佛言世尊於何法
轉名爲不轉佛言於色相轉於受想行識相

轉於十二入相十八界相蟠欲瞋恚癡相
邪見相四念處相乃至聲聞辟支佛相乃至
佛相轉以是故名爲不退轉菩薩摩訶薩相
何以故是阿鞞跋致菩薩摩訶薩以是自相
空法入菩薩位得無生法忍乃至少許法不
可得不可得故不作不作故不生是名無生
法忍菩薩摩訶薩以是行類相貌當知是阿
鞞跋致菩薩摩訶薩

論釋曰魔了了知是菩薩是阿鞞跋致者不
復沮壞若未了了知者則種種因緣驗試破
壞或作入大地獄化作無數菩薩在中燒煮
語菩薩言此皆是阿鞞跋致諸佛授記者汝
若受記爲受地獄記問曰惡魔何因緣故言
行善者受地獄記答曰惡魔以是菩薩欲代
一切衆生受苦故言受地獄記汝若行福德
生天者則自爲身無豫衆生事若菩薩聞是
事心動疑悔若信受魔語當知是未受阿鞞
跋致記若菩薩聞是事不疑不動不驚作是

念阿難跋致得諸法實相故不著一切法不著一切法故乃至不生小罪何況三惡道罪如火中有水水中生火無有是處復有魔作比丘被服來語菩薩汝先從小師聞修六波羅蜜法皆是虛妄所集隨喜心功德亦是虛誑汝先所聞皆是虛誑文飾不真非是佛口所說今我爲汝說者真是佛法汝疾捨之若菩薩聞是心動瞋疑當知諸佛未與受記譬喻如僞金火燒磨打若黑若赤若白乃知非真若菩薩聞是不瞋不疑隨無生無滅無起無作法行於六波羅蜜相中自知不隨於他語當知是真阿難跋致譬如阿羅漢漏盡故諸

表三

十二

六

魔事來不能破阿難跋致菩薩亦如是無能降伏者自現前知諸法實相故乃至魔作佛身來所說異於法相者亦不信受譬如狗著師子皮諸獸見之雖怖聞聲則知是狗何況變作餘身等此中佛自說因緣是菩薩見色等法空故誰當隨他語復次惡魔來作比丘

身語菩薩言是六波羅蜜皆是生死道布施等福德因緣故欲界中受福樂禪波羅蜜因緣故色界中受樂是般若波羅蜜無定相故名虛誰法迴轉五道中不能自出是生死道人誑汝言是一切種智道我今實語汝取涅槃今世盡苦是菩薩若嘿然魔即爲說似道法若觀三十六種不淨若觀骨人若出入息因是道得四禪四無色定汝因是禪定可得須陀洹乃至阿羅漢汝今此身是罪因緣所生佛說彈指頃不讚更受身何況久住生死中阿難跋致菩薩聞是事心喜作是念是比丘大益我爲我說似道法我得是以道法即知真道如行路人知邪逕則知正道障道亦如是阿難跋致是大人貴重故不與是比丘諍語魔見菩薩嘿然歡喜言是人信受我語語菩薩言善男子有無量菩薩供養如恒河沙等諸佛諮詢奉行六波羅蜜及菩薩道法面受佛教盡受行諸菩薩行尚不得無上道

表三

卷

今皆作阿羅漢汝欲見不菩薩聞是事已嘿然魔於是處即化作無數阿羅漢比丘語菩薩言是諸比丘皆父行無上道今皆取阿羅漢汝今云何獨欲作佛阿鞞跋致即復歡喜是比丘爲我說似道障道法是菩薩實行六波羅蜜諸功德定不退墮二乘如佛所說心

常不離六波羅蜜等諸功德不得無上道無有是處菩薩若知是魔事則大得利益而無所失以是故菩薩心不動轉是名阿鞞跋致相爾時須菩提白佛言世尊於何法轉名爲不轉佛言於色相等法中轉還上略說今當廣說若菩薩於色等相皆能轉是名行一切法性空得無生法忍入菩薩位無生忍者乃至微細法不可得何況大是名無生得是無生法不作不起諸業行是名得無生法忍得無生法忍菩薩是名阿鞞跋致如是等無量行類相貌是阿鞞跋致相

大智度論釋轉不退輪品第五十六上

復次須菩提惡魔到菩薩所壞其心作是言薩婆若與虛空等無所有相諸法亦與虛空等空無所有相是虛空等諸法空無所有相中無有得阿耨多羅三藐三菩提者亦無有不得者是諸法皆如虛空無所有相汝唐受勤苦汝所聞阿耨多羅三藐三菩提皆是魔事非佛所說汝當放捨是願汝莫長夜受是不安隱憂苦墮惡道是諸善男子善女人聞是呵時應如是念是惡魔事壞我阿耨多羅三藐三菩提心諸法雖如虛空無所有自相空而衆生不知不見不解我亦以是如虛空等無所有自相空大誓莊嚴得一切種智為衆生說此法令得解脫得須陀洹果斯陀含果阿那含果阿羅漢果辟支佛道阿耨多羅三藐三菩提須菩提菩薩摩訶薩從初發意已來聞如是法應堅固其心不動不轉菩薩摩訶薩以是堅固心不動不轉心行六波羅蜜當入菩薩位須菩提白佛言世尊不轉故

表三

名阿鞞跋致轉故亦名阿鞞跋致佛言不轉故名阿鞞跋致轉故亦名阿鞞跋致須菩提白佛言世尊云何不轉故名阿鞞跋致轉故亦名阿鞞跋致佛告須菩提若菩薩於聲聞地辟支佛地不轉是故名不轉若菩薩摩訶薩於聲聞地辟支佛地轉是故亦名不轉須菩提以是行類相貌當知是名阿鞞跋致菩薩摩訶薩以是行類相貌故惡魔不能壞其意令離阿鞞多羅三藐三菩提復次須菩提阿鞞跋致菩薩摩訶薩若欲入初禪第二第三第四禪乃至滅受想定禪即得入復次須菩提阿鞞跋致菩薩摩訶薩若欲修四念處乃至八聖道分空無相無作三昧乃至五神通即能修是菩薩雖修四念處乃至五神通是人不受四念處果雖修諸禪不受諸禪果乃至不受滅受想定禪果不證須陀洹果乃至不證辟支佛道是菩薩故爲衆生受身隨其所應而利益之須菩提以是行類相貌當

知是名阿鞞跋致菩薩摩訶薩復次須菩提是阿鞞跋致菩薩摩訶薩常憶念阿鞞多羅三藐三菩提終不離薩婆若心故不貴色不貴相不貴聲聞辟支佛不貴檀波羅蜜尸羅波羅蜜羅提波羅蜜毗梨耶波羅蜜禪波羅蜜般若波羅蜜不貴四禪四無量心四無色定不貴五神通不貴四念處乃至八聖道分不貴佛十力乃至十八不共法不貴淨佛世界不貴成就衆生不貴見佛不貴種善根何以故一切法自相空不見可貴法能生貴心者何以故是一切法與虛空等無所有自相空須菩提是阿鞞跋致菩薩摩訶薩成就是
卷三十五
心於四種身儀中出入來去坐卧行住一心不亂須菩提以是行類相貌當知是阿鞞跋致菩薩摩訶薩復次須菩提阿鞞跋致菩薩摩訶薩若在居家以方便力爲利益衆生故受五欲布施衆生須食與食須飲與飲衣服卧具乃至資生所須盡給與之是菩薩自行

檀波羅蜜教人行檀讚歎行檀法歡喜讚歎行檀波羅蜜者尸羅波羅蜜乃至般若波羅蜜亦如是須菩提阿鞞跋致菩薩摩訶薩在家時能以滿間浮提珍寶施與衆生乃至三千大千世界滿中珍寶給施衆生亦不自爲常修梵行不凌易虧掠他人令其憂惱須菩提以是行類相貌當知是名阿鞞跋致菩薩

摩訶薩復次須菩提阿鞞跋致是菩薩摩訶薩執金剛神王常隨逐作是願是菩薩摩訶薩當得阿耨多羅三藐三菩提我常隨逐乃至五性執金剛神常隨守護以是故若天若魔若梵若餘世間大力者不能破壞是菩薩摩訶薩薩婆若心乃至得阿耨多羅三藐三菩提須菩提是名菩薩摩訶薩阿鞞跋致相復次須菩提菩薩摩訶薩常具足菩薩五根信根精進根念根定根慧根是名阿鞞跋致相復次須菩提阿鞞跋致菩薩摩訶薩爲上人不爲下人須菩提白佛言世尊云何爲上

人佛告須菩提若菩薩摩訶薩一心行阿耨多羅三藐三菩提心不散亂是名上人以是行類相貌當知是阿鞞跋致相復次須菩提阿鞞跋致菩薩一心常念佛道爲淨命不作呪術合和諸藥不呪鬼神令著男女問其吉凶男女緣相壽命長短何以故須菩提是菩薩摩訶薩知諸法自相空不見諸法相故不行邪命而行淨命須菩提以是行類相貌當知是名阿鞞跋致菩薩摩訶薩相

表三

十六

希

論釋曰復有阿鞞跋致菩薩相若惡魔作是言薩婆若與虛空等薩婆若有種種名字或說一切智或說一切種智或說無上道或說無量諸佛法或說菩提皆是薩婆若名字此中說薩婆若當知是阿耨多羅三藐三菩提一切菩薩皆願欲得薩婆若魔來欲壞作是言是薩婆若空無所有但諸師誑汝耳如虛空無所有無色無形不可知薩婆若亦如是是故說與虛空等諸法者六波羅蜜等趣薩

婆若助道法是法亦空薩婆若空無所有相諸法但有名字無有實事是中無得薩婆若者無趣薩婆若無有助道者汝唐受辛苦汝師常教汝離魔事薩婆若即是魔事何以故捨涅槃取生死故汝先所聞經若六波羅蜜義非是佛法皆是人造汝今疾悔捨是邪心

若不捨長夜受三惡道苦阿鞞跋致菩薩聞是事即覺知魔事是魔毀些薩婆若欲令我遠離阿耨多羅三藐三菩提何以故一切法雖空無所有而凡夫衆生顛倒覆心故不知不見我亦當以自相空莊嚴得一切智爲衆生說法若一切法空我以實莊嚴是不相應

表三

十七

希

若諸法空莊嚴亦空者是則相繼爲衆生說法亦如是令衆生得須陀洹果須陀洹果有二種一者三結斷無爲法二者空無相無作三昧相應有爲須陀洹果是二皆空有爲法中三脫門故空無爲法中無生無住無滅相故即是空乃至阿耨多羅三藐三菩提亦如

是阿鞞跋致菩薩從初發意已來聞是法堅固其心不動不轉一切諸煩惱箭不入故名爲堅一切外道魔民不能轉故名不動於阿耨多羅三藐三菩提不退故名不轉是菩薩以如是三種心行六波羅蜜入菩薩位菩薩位義如先說是名入菩薩位入菩薩位者名阿鞞跋致須菩提問不轉故名阿鞞跋致轉故名阿鞞跋致佛二種答以二諦故所謂世諦第一義諦若菩薩入菩薩位轉聲聞辟支佛心直入菩薩位是名轉不轉者入阿鞞跋致第一義諸法一相中所謂無相尚無一乘定相何況三乘則無所轉無所轉故名阿鞞跋致復次阿鞞跋致雖行欲界法度衆生於禪定出入自在於禪定自在故若欲教化他人修四念處乃至八聖道分三解脫門乃至五神通皆得自在雖入禪定其心清淨柔軟故不受長壽天福於欲界教化雖修四念處道法亦不證須陀洹果乃至不證辟支佛道

是菩薩觀十方國土知何處有可利益衆生處故爲受身生其國如是等名阿鞞跋致相是菩薩一心深念常不離阿鞞跋致菩薩故但貴阿鞞多羅三藐三菩提不貴餘事所謂諸佛三十二相金色身不捨本願度衆生故不貴聲聞辟支佛道是人貴無所得

畢竟空故不貴是布施乃至不貴種善根何況五欲世間利養何以故菩薩觀一切法自相空不見實定法可生貴心復次有人有所貪貴故心動不能自安若得則歡喜失則憂感善薩無所貴無所貪故至於得失心清淨不動故身行口行調和不異故身四威儀一

表三

十八 大

心常念無所違失復次深入禪波羅蜜故身四威儀無所違失問曰經中說阿鞞跋致菩薩方便力爲利益衆生故受五欲受何等方便答曰譬如以鉗取火雖提而不燒王欲如火能燒人善根是菩薩思惟我出家一身云何能以布施攝衆生衆生多須飲食衣服須

法者少菩薩爲攝衆生故故生富貴家布施衆生恣其所須出家在家衆生能廣利益譬如大地人民鳥獸皆蒙利潤是時四種行六波羅蜜若出家讚布施或有人言汝自一身無財但教人施則不信受是故菩薩方便作白衣以財充滿一切而勸行施人則言受是菩薩或作轉輪聖王心念施時則滿闍浮提珍寶如頂生王宮殿中心生欲寶則寶至于膝或作帝釋或作梵王能雨珍寶滿三千世界供養於佛充滿一切爲攝衆生故而自不受人受五欲則心生憍慢凌易於人是人常斷婬欲故諸煩惱薄不生憍慢故不凌易衆生是名阿鞞跋致相復次若菩薩得無生法忍入菩薩位得受記即時執金剛神王等法應隨逐守護得佛道時則現其身時令人見此中自說因緣若人若非人無能破壞人破者若殺若縛若論議得勝等非人破者與病人令狂若奪命若作惡身令其恐

表三

十九

文殊

怖若變作佛身說邪道如是等不能折伏菩薩問曰若爲金剛神王所守護者菩薩自無有力答曰菩薩亦自有力復以菩薩功德故能使金剛神所守護金剛神所守護故雖未得法身而功德增益又使天神見金剛神侍衛故益加敬畏具足菩薩根者如人無眼等五情根則無異木石五情力故能見能聞菩薩心中無信等五根即是凡夫不入聖數問曰如阿毗曇經說誰成就五根不斷善根者今何以言無信等五根即是凡夫答曰不斷善根衆生雖成就五根而不能發起爲用譬如小兒雖成就煩惱婬欲等未能發用故言無信等五根亦如是衆生雖有不發不用是故不數信等五根有二種一者屬聲聞辟支佛二者屬佛諸菩薩屬聲聞辟支佛五根能深信涅槃能以智慧知世間無常空能知涅槃寂滅菩薩五根生深慈悲心於怨惡衆生亦能觀諸法實相所謂無生無滅等雖未得

佛亦能信受佛事復有以菩薩根故能見能聞能知諸佛神通力非諸聲聞辟支佛所及如不可思議解脫經中說舍利弗目連須菩提等雖在佛左右以無菩薩根故不見是大菩薩會及所有神通力亦不聞佛說不可思議解脫是故說若菩薩具足得是信等五根故名阿鞞跋致問曰餘經中說善人身口意業無惡知想報恩能爲一切衆生故自捨身樂安隱衆生有所利益不求果報如是等上人相何以故但說不散亂心行無上道一事名爲上人答曰此中佛自略說一心不散亂盡攝諸善法何以故貪重佛道故一切諸煩惱折薄是故於衆生深加慈心能自以身命給施何況不知報恩等常一心念阿彌陀羅三藐三菩提清淨持戒故不行邪命所謂不作祝術合藥祝術者能翳身令人不見能變人爲畜獸如是等種種祝術合藥者餌食求仙亦合和諸藥療疾求財及求名聲祝鬼者

有人欲知未來事祝鬼令著男女問其吉凶
生男生女壽命脩短豐樂勝負等若有作者
為攝衆生破其慳慢不為財利名聞何以故
是人知一切諸法自相空故不見諸法相所
謂已身妻子男女等不見是相故不行邪命

二末

齋

大智度論卷第七十三

釋第五十五品說
第五十六品之上

表三

妬丁故掉悔上徒庠音德穢上鳥麌故反麌猛反
教詔上古孝反下音照詔媚下眉辛酸下蘇邪徑下官反
凌易上音陵正作麌上音魯下音掠略又力向反憂感下倉反

大智度論卷第七十四

龍樹菩薩造 姚秦三藏法師鳩摩羅什譯

釋第五十六品下

訖第十五品上

復次須菩提今當更說阿難跋致菩薩摩訶
薩行類相貌一心聽佛告須菩提菩薩摩訶
訶薩行般若波羅蜜常不離阿難多羅三藐

相空故不見若多若少不好說闡事何以故
是菩薩摩訶薩住諸法如中不見法若憎若
愛不好說婦女事何以故住諸法空中不見
好醜故不好說聚落事何以故諸法自相空
故不見法若合若散不好說城邑事何以故
住諸法實際中不見有勝有負不好說國事
何以故住實際中不見法有所屬有不屬不
好說我事何以故法性中住不見法是我是
無我乃至不見知者見者如是等不說種種
世間事但好說般若波羅蜜不遠離薩婆若
心若行檀波羅蜜時不為慳貪事行尸羅波
羅蜜時不為破戒事行羼提波羅蜜時不為